

Frå: Slettebø, Knut Ragnar <knrsl@statsforvalteren.no>
Send: tirsdag 16. august 2022 14:21
Til: Tone Margrethe Bærland Furustøl
Emne: Spørsmål til sak om etablering av kai og flytebryggje, gnr. 58 bnr. 129

Hei!

Me viser til oversending til Statsforvaltaren i Vestland, datert 09.04.2022, i sak som hjå dykk har referanse 21/2729 – 22/28543. Saka gjeld søknad om dispensasjon til etablering av kai og flytebryggje. Statsforvaltaren har to førespurnadar/spørsmål til kommunen om saka.

- 1) Det går fram følgjande av reguleringsplanen for Buskeneset § 4 andre ledd: «*Før bygginga tek til, skal det ligge føre ein situasjonsplan som viser samla utnytting og detaljløysing for det einskilde område*». Det er noko uklart om den situasjonsplanen det her blir referert til, er oversendt til Statsforvaltaren. Me ber difor om at situasjonsplanen blir oversendt til Statsforvaltaren.
- 2) Under punktet Planstatus er det i saksframlegget til møtet 08.12.2021 lagt til grunn at kaia og flytebryggja det er søkt om, krev dispensasjon frå tre førsegner:
 1. Byggegrense mot sjø.
 2. Naustføremål på land med krav til situasjonsplan som viser samla utnytting og detaljløysing for kvart naustområde.
 3. Arealføremålet bruk og vern av sjø.

Statsforvaltaren vil på denne bakgrunn stille spørsmål om (1) tiltakshavar har sendt inn ein grunngjeven søknad om dispensasjon frå desse føresegnene, og om kommunen (2) hadde kompetanse til å gje dispensasjon om det ikkje var sendt inn ein spesifikk, grunngjeven dispensasjonssøknad.

Med venleg helsing

Knut Ragnar Slettebø
førstekonsulent



Statsforvaltaren i Rogaland

Telefon: 51 56 89 51

E-post: knrsl@statsforvalteren.no

Web: www.statsforvalteren.no/ro